



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za financije i proračun

Broj: 01/4-011-1301/03

Sarajevo, 7.10.2003. godine.

Z A P I S N I K

**sa 9. sjednice Komisije za financije i proračun Zastupničkog doma
Parlamentarne skupštine Bosne i Hercegovine,
održane 23.9. 2003. godine**

Sjednica je počela u 13,00 sati.

Sjednicom je predsjedavao dr. Nikola Špirić, predsjedatelj Komisije.

Sjednici su prisustvovali:

- dr. Nikola Špirić, predsjedatelj Komisije,
- Filip Andrić, prvi zamjenik predsjedatelja Komisije
- Fatima Leho, drugi zamjenik predsjedatelja Komisije,
- Ljiljana Mliličević, član,
- Hazim Felić, član,
- Mirko Blagojević, član i
- Beriz Belkić, član.

Odsutni su bili: Zlatko Lagumdžija i Abdulah Nakaš.

Za sjednicu je predložen i jednoglasno usvojen slijedeći

D n e v n i r e d:

- 01. Usvajanje zapisnika sa 7. i 8. sjednice Komisije,**
- 02. Rasprava o Prijedlogu zakona o izmjenama i dopunama Zakona o koncesijama,**
- 03. Tekuća pitanja.**

Predsjedatelj Komisije, dr. Nikola Špirić je otvorio sjednicu i predložio dnevni red. Dnevni red za sjednicu je jednoglasno usvojen.

Ad 01. Usvajanje zapisnika sa 7. i 8. sjednice Komisije.

Nakon usvajanja dnevnog reda, predsjedatelj Komisije je predložio raspravu o zapisnicima sa 7. i 8. sjednice Komisije. U raspravi o zapisnicima učestvovala je g-đa Fatima Leho, koja je sugerisala da se u jednom od zapisnika ispravi krivo napisana 2003. godina, a teba da stoji 2002. godina, a da se oba zapisnika usvoje.

Nakon toga, članovi komisije su jednoglasno usvojili zapisnike sa 7. i 8. sjednice, uz intervenciju g-đe Leho Fatime.

Ad 02 Rasprava o Prijedlogu zakona o izmjenama i dopunama Zakona o koncesijama,

Predsjedatelj Komisije je u uvodu za ovu točku dnevnog reda, ukazao na okolnost da je Prijedlog zakona o izmjenama i dopunama Zakona o koncesijama Bosne i Hercegovine (u daljnjem tekstu: Prijedlog zakona) zastupnik Filip Andrić dostavio dana 1.8.2003. godine Parlamentarnoj skupštini Bosne i Hercegovine, radi razmatranja i usvajanja. Podsjetio je da je Ustavno-pravna komisija Zastupničkog doma Parlamentarne skupštine Bosne i Hercegovine na 13. sjednici održanoj dana 3.9.2003. godine razmatrala Prijedlog zakona o izmjenama i dopunama Zakona o koncesijama Bosne i Hercegovine, te aktom broj 01/1-011-1191/03 utvrdila postojanje valjanog ustavno-pravnog osnova za donošenje ovog zakona. Ustavno-pravni osnov je sadržan u članku IV/4a) i e) Ustava BiH, kako je naveo predlagač. On je konstatirao da do početka sjednice na Prijedlog zakona nije bilo uloženi amandmani. Otvorio je raspravu o tekstu predloženog Prijedloga zakona.

U raspravi o Prijedlogu zakona učestvovalo je nekoliko članova Komisije.

G-đa Fatima Leho je protiv prihvatanja Prijedloga zakona, jer je Zakon o koncesijama skoro donešen, a u primjeni, niko po njemu nije dobio niti jednu koncesiju, a već ga treba mijenjati. Brze izmjene propisa stvaraju nesigurnost za strane ulagače.

G. Filip Andrić, predlagač Prijedloga zakona je predložio prihvatanje ovog akta, ističući da svako poboljšanje zakona, dobro dođe za regulativu one materije koju zakon tretira. Ako su neka zakonska rješenja loša, treba ih poboljšati. Ovaj Prijedlog zakona ne eliminira pojedinačna obraćanja subjekata s kapitalom, prema državi.

G. Beriz Belkić je pozdravio svako poboljšanje nekog zakona, ali smatra da u ovom trenutku nisu potrebne nikakve izmjene u predmetnom zakonu.

Predsjedavajući g. Nikola Špirić je podržao inicijativu dogradnje zakona, smatrajući da je neophodna konkurencija kapitala i u ovoj oblasti.

G. Felić Hazim je istakao da inicijativa za izmjenu Zakona dolazi u loše vrijeme kao reakcija je na ponudu jednog ponuđača za angažovanje na krupnom ekonomskom projektu. Zato je neprihvatljiva.

G. Mirko Blagojević je istakao da ne podržava ovu inicijativu.

Nakon završetka rasprave o Prijedlogu zakona, predsjedavajući Komisije je predložio glasanje o principima predloženog zakona. Rezultati glasanja za ponuđeni Prijedlog zakona su slijedeći:

- «za» Prijedlog zakona su glasala 2 člana Komisije,
- «protiv» Prijedloga zakona su glasala 4 člana Komisije,
- jedan član komisije je bio «uzdržan».

Na temelju rasprave i glasovanja o ovom Prijedlogu zakona, Komisija za financije i proračun Zastupničkog doma Parlamentarne skupštine BiH nije podržala principe predloženog zakona i nije prihvatila njegov tekst u

predloženom obliku, pa se Prijedloga zakona o izmjenama i dopunama Zakona o koncesijama Bosne i Hercegovine smatra odbijenim.

Ad 03. Tekuća pitanja

Raspravljajući po ovoj točki dnevnog reda, predsjedatelj Komisije, dr. Nikola Špirić je najavio povlačenje sa pozicije predsjedatelja, ove komisije, zbog prezauzetosti. On smatra da će novi član Komisije (kao i predsjedatelj) biti Nikola Kragulj.

G-đa Fatima Leho je predložila da za neku buduću sjednicu Komisije bude točka dnevnog reda obraćanje nekog službenika iz Trezora BiH, koji bi dao adekvatne odgovore na pitanja potrošnje Zastupnika Zastupničkog doma Parlamenatrne skupštine BiH.

G. Beriz Belkić je predložio da predsjedatelj uputi pismo Komisiji EU u BiH u vezi drafta Zakona o javnim nabavkama, koji treba sačiniti pomenuta Komisija. U pismu treba pitati šta je sa njihovim draftom zakona ? Neformalno se saznaje kako je on napravljen i kako o njemu zauzimaju stavove drugi organi i institucije, a ne i Parlamentarna skupština BiH, a realno postoji potreba za ovim zakonom.

Nakon diskusija, Komisija je primila k znanju podatak da će umjesto g. Špirića, novi član Komisije biti Nikola Kragulj, te prihvatila predložene sugestije g-đe Fatime Leho i g. Beriza Belkića.

Sjednica je okončana u 13,44 sati.

Tajnik Komisije:

dr. Zijad Hasić

Predsjedatelj Komisije:

dr. Nikola Špirić